



Broj:01/2-02-1-3721/18  
Dana:04.06.2018.godine

**SKUPŠTINA KANTONA SARAJEVO**  
n/r predsjedavajuće Skupštine

**PREDMET: Odgovor na poslaničku/zastupničku inicijativu, dostavlja se**

**VEZA: Vaš akt, broj: 01-05-20193/18 od 08.05.2018.godine**

Zastupnik Semir Halilović je na 42. Radnoj sjednici Skupštine Kantona Sarajevo, održanoj 07.05.2018. godine, u okviru tačke Dnevnog reda "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo, pokrenuo zastupničku inicijativu: „Iniciram da se na ulazu u Vilsonovo šetalište i to: kod hotela „Bristol” sa jedne, odnosno kod Srednje škole za elektrotehniku sa druge strane, te na mostu Suada Dilberović sa treće strane postave kontrolne kamere, koje će vršiti snimanje vozila, koja subotom i nedeljom, vrlo često i u velikom broju, krše zabranu kretanja vozilima ovim sarajevskim šetalištem na kojem, za vrijeme slobodnih dana, postoji frekvencija od nekoliko hiljada ljudi, čime ugrožavaju bezbjednost djece i porodica. Kontrolne kamere koje bi snimale vozila ne traže puno finansijskih sredstava, ali bi u potpunosti postigli sigurnosni efekat, jer je Vilsonovo šetalište porodično mjesto sa izuzetno velikim brojem djece. Također, finansijski gledano, prekršioc i zabrane kretanja bi, čineći greške, bili uklonjeni sa ulica i istovremeno punili budžet KS.”

Smatramo da je pokrenuta inicijativa opravdana i istu u potpunosti podržavamo, međutim, ovo Ministarstvo u budžetu za 2018.godinu, nema planirana sredstava za nabavku kamera, kojima bi se dokumentovali predmetni prekršaji.

Takođe, želimo naglasiti da se ne radi o neznatnim sredstvima, jer jedna ANPR kamera i prateća oprema košta 16 000,00 KM, a troškovi komunikacijske opreme, energetskog priključka, montažne opreme i radova na lokaciji, iznose oko 5 000,00 KM. Navedeni troškovi su specificirani bez uračunatog PDV, tako da instaliranje samo jedne kamere košta oko 25 000,00 KM.

U cilju prevazilaženja predmetnog problema, policijski službenici ovog Ministarstva će u narednom periodu pojačati aktivnosti na preduzimanju zakonskih mjera i radnji prema svim nesavjesnim vozačima, koji ne poštuju postavljenu saobraćajnu signalizaciju te time direktno ugrožavaju pješake, a naročito djecu.

S poštovanjem,

**Prilog:**  
- CDx1

**MINISTAR**

**Vedran Mulabdić**

